

UnisZA tawar program baharu

Oleh Mohammad Ishak
bhvarsiti@bh.com.my

► Besut

Universiti Sultan Zainal Abidin (UnisZA) akan menawarkan program baharu dalam bidang telekomunikasi, robotik, reka bentuk, perfileman dan reka fesyen bagi memenuhi keperluan pasaran semasa.

Naib Canselornya, Prof Datuk Dr Yahaya Ibrahim, berkata usaha itu bagi mencapai sasaran 15,000 pelajar menjelang tahun 2020 bagi mengikuti pengajian di kampus induk Gong Badak dan kampus Tembila.

Katanya, kampus Tembila yang mula beroperasi pada 8 September lalu akan dijadikan sebagai kampus sat kajian bidang tertentu seperti pertanian, informatik dan perkomputeran, bioperubatan serta kejuruteraan.

"Kampus Gong Badak pula akan diarahkan kepada pelajar peringkat ijazah, Fakulti Perubatan dan Sains Kesihatan yang akan mula berpin-dah dari Kampus Kota sebaik

projek pembinaan hospital perubahan universiti siap sepenuhnya.

Kemudahan asrama

"Bagi pelajar peringkat diploma di Kampus Gong Badak, mereka akan dipindahkan ke Kampus Tembila di Besut yang mempunyai kemudahan asrama dengan kapasiti 3,000 pelajar.

"Perkembangan ini antara kejayaan dicapai UnisZA seiring dengan institusi pengajian tinggi awam (IPTA) lain di negara ini," katanya ketika berucap pada majlis penyerahan projek bangunan UnisZA Kampus Tembila peringkat ketiga antara UnisZA dan Jabatan Kerja Raya (JKR), di sini, baru-baru ini.

Yang turut hadir ialah Pengurus Pembinaan Kampus UnisZA, Ir Wan Abdul Rahman Wan Hassan dan Arkitek Kanan JKR, Cawangan Pendidikan dan Pengajian Tinggi, Hanafi Hamdan.

Majlis menyaksikan penyerahan 21 blok bangunan Fakulti Pertanian, sembilan blok bangunan Fakulti Informatik yang mengandungi bilik kuliah, dewan syarahan, surau dan bilik penyarahan serta 126 buah bilik makmal.



Prof Yahaya (dua dari kiri) meletakkan piat sebagai gimik penyerahan projek bangunan UnisZA Kampus Tembila peringkat ketiga.